

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

Делегација у Парламентарној скупштини
Савјета Европе



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

Delegacija u Parlamentarnoj skupštini
Vijeća Evrope
Izastlanstvo u Parlamentarnoj skupštini
Vijeća Evrope

J. B. K.

PARLIAMENTARY ASSEMBLY OF BOSNIA AND HERZEGOVINA
Delegation to the Parliamentary Assembly of the Council of Europe

Broj:

Sarajevo, 8. 5. 2020.

B



BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
S A R A J E V O

PRIMLJENO: 25-06-2020			
Organizaciona jedinica	Klasifikaciona oznaka	Redni broj	Broj priloga
<i>04/1, 01, 02, 03, 03/11</i>	<i>03/11</i>	<i>-017</i>	<i>-1256/20</i>

IZVJEŠTAJ

S VIDEOSJEDNICA BIROA I STALNOG ODBORA PARLAMENTARNE
SKUPŠTINE VIJEĆA EVROPE, ODRŽANIH 30. APRILA 2020. GODINE, I
NASTAVKA VIDEOSJEDNICE BIROA, ODRŽANOG 7. MAJA 2020. GODINE

Sarajevo, maj 2020. godine

Videosjednice Biroa i Stalnog odbora Parlamentarne skupštine Vijeća Evrope (PSVE) na kojima je učestvovala članica Delegacije Parlamentarne skupštine Bosne i Hercegovine u PSVE-u i potpredsjednica PSVE-a Snježana Novaković-Buršać održane su 30. aprila 2020.

Na sjednici Biroa PSVE-a usvojen je Memorandum za donošenje odluka odbora PSVE-a kako bi se omogućio nastavak rada u trenutnim vanrednim okolnostima izazvanim pandemijom koronavirusa. Memorandumom je definirano da se nastavi rad sjednica odbora PSVE-a na daljinu (tražeći 1/3 prisustva za valjanost glasanja na ovim sjednicama), da se omogući podnošenje prijedloga i drugih nacerta elektronskim putem i da se produži važenje trenutnih referenci na odbore još šest mjeseci.

Biro PSVE-a je, također, odlučio da se ljetno zasjedanje PSVE-a, koje je planirano za kraj juna 2020. godine, održi prije oktobarskog zasjedanja, a tačan datum bit će definiran na sastanku Biroa PSVE-a u junu. Određivanje datuma za održavanje ljetnog zasjedanja bit će usaglašeno s delegacijama država članica, kao i s općim zdravstvenim preporukama u zemljama članicama i Francuskoj, kao državi domaćinu zasjedanja PSVE-a.

Također, na sjednici Biroa PSVE-a tokom rasprave o izvještaju generalnog sekretara PSVE-a članovi Biroa PSVE-a ukazali su na prisutne izazove za vrijeme trajanja pandemije, poput nasilja nad ženama, prava zatvorenika, posljedica migrantske krize, održavanja izbora, te neophodnosti adresiranja ovih problema od država članica PSVE-a.

Prihvaćena je i inicijativa pet političkih grupa PSVE-a da Stalni odbor PSVE-a uvrsti u raspravu o aktuelnim pitanjima temu: „Odgovor država članica Vijeća Evrope na pandemiju koronavirusa, u svjetlu poštovanja ljudskih prava, demokratije i vladavine zakona.”

Zaključeno je da će naredni sastanak Biroa PSVE-a biti održan 7. maja 2020. godine, kada je planirano usvajanje Memoranduma o preciznim tehničkim modalitetima za vođenje sjednica odbora na daljinu.

Otvaranje sjednice Stalnog odbora PSVE-a započelo je obraćanjem predsjednika Parlamentarne skupštine Vijeća Evrope Rika Daemsa koji je informirao članove o odlukama Biroa PSVE-a usvojenim u prijepodnevnim satima istog dana. Na početku sjednice potvrđeni su akreditivi za članove i zamjenske članove delegacija Njemačke, Azerbejdžana i Norveške, te su, također, potvrđene izmjene u sastavu odbora PSVE-a iz navedenih država. Također je potvrđen zapisnik sa sastanka Stalnog odbora PSVE-a, održanog 6. marta u Parizu.

Raspravu o aktualnim pitanjima, a u vezi s mjerama koje su države članice preduzele za suzbijanje pandemije koronavirusa vodeći računa o poštivanju ljudskih prava, demokratije i vladavine prava otvorio je Jacques Maire, predsjednik političke grupe Alijansa liberala i demokrata za Evropu (ALDE). Nadalje je uslijedilo obraćanje ostalih predstavnika političkih grupa koji su inicirali ovu temu, te su u svojim obraćanjima naglasili potrebu za solidarnošću zemalja članica Vijeća Evrope u izazovnim vremenima pandemije, ali isto tako govorili o nekim praksama država članica koje nisu primijenjene proporcionalno neophodnoj zaštiti stanovništva od zaraze uzimajući u obzir poštivanje osnovnih vrijednosti - demokratije, individualnih prava i poštivanja vladavine zakona.

Nakon obraćanja predstavnika političkih grupa, članovi Stalnog odbora PSVE-a iznosili su svoje viđenje o navedenoj temi osvrnuvši se na trenutnu situaciju u državama iz kojih dolaze, kao i o preduzetim mjerama koje su njihove vlade realizirale u proteklom periodu. Gospođa Novaković-Bursać obratila se prisutnim te, između ostalog, govorila o stigmatizaciji osoba zaraženih koronavirusom, kao i o važnosti dijeljenja dobrih praksi u borbi protiv širenja koronavirusa između država članica. Također je naglasila da ljudske živote i ljudska prava mogu zaštititi samo jake institucije primjenom mjera zasnovanih na stvarnim vrijednostima, potrebama, te naučnim i profesionalnim činjenicama. Gospođa Novaković-Bursać izlaganje je zaključila ističući značaj multilateralne saradnje država u kriznim vremenima, kao i činjenice da međunarodni mehanizmi i standardi osiguravaju neophodne smjernice djelovanja.


Predsjednik PSVE-a zaključio je raspravu, zahvalivši svim učesnicima Stalnog odbora PSVE-a koji su po prvi put održali sjednicu na daljinu, te naglasio da PSVE ostaje posvećena promoviranju standarda postavljenih Evropskom konvencijom za ljudska prava, a koji predstavljaju bazu za zaštitu osnovnih vrijednosti koje države članice trebaju poštivati i u ovim izazovnim vremenima.

Potvrđeno je da naredni videosastanak Stalnog odbora PSVE-a bude održan 7. maja.

Na nastavku videosjednice Biroa PSVE-a, održanom 7. maja 2020. godine, usvojen je Memorandum kojim se propisuje okvir za održavanje sjednica Biroa i odbora PSVE-a na daljinu. Cilj organiziranja i održavanja videosjednica jeste demokratsko, kontinuirano i sveobuhvatno funkcioniranje tijela PSVE-a i poštivanje općih principa transparentnosti, sigurnosti i povjerljivosti. Usvojeni okvir navedenih pravila privremenog je karaktera i važit će do prve redovne plenarne sjednice PSVE-a. Također, članovi Biroa PSVE-a usvojili su set prijedloga rezolucija koji trebaju biti upućeni prema odborima PSVE-a shodno njihovim nadležnostima, nakon što isto potvrdi i Stalni odbor PSVE-a.


Naredna videosjednica Biroa PSVE-a bit će održana 25. juna 2020. godine.

Izvještaj pripremila:



Adisa Fišić Barukčija
Sekretarka Delegacije PSBiH u PSVE

Izvještaj odobrila:



Snježana Novaković Bursać
Članica Delegacije PSBiH u PSVE

Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- članovima i zamjenskim članovima Delegacije PSBiH u PSVE-u
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću
- Sektoru za međunarodne odnose i protokol

Kopija: Ministarstvu vanjskih poslova BiH